

水色集

竹

内閣文庫	
番號	漢 17823
冊數	8 (4)
函號	圖136 4



水色集卷之四

贈休上人

園林曉露霏初日映疎簷氣爽堪梳髮心閑更鑷髻
藜床青蒲席白粥冰精盞賴有名僧在過逢閱玉籤

遣興

風露曉凄清草木憔悴容覺來氣益凜輕衣還索重
徒增步庭除遙望蒼山峯疎雲綴遠空旭日明寒松
悶雨已七月焦土愁三農流冗不暇言糊口知何從
舉羸時已屈軍興年必凶沉思默無語中腸邪氣攻
踟躕可奈何台堦有變龍偃息衡闌下庶以保疎庸

選休中
通似者

又

商飆振北林爽氣生西岑玄蟬號簷前蟋蟀鳴砌間
清霜染愁鬢丹渥彫衰顏覽物感我懷萬事俱是閑
所以冥玄士傲睨超塵寰采秀卧松雲垂釣弄潺湲
胡為百年內屑屑長徃還永守立壑志古人庶可攀

題柳希發漢江亭子

高樓新架層岩上俯壓平湖澹不流楮島初暉浮遠
渚乘林晚靄鎖長洲却疑真境區中在始信朝英物
外求靜對烟波伴魚鳥世間榮樂總悠悠

又

同半音

歸橈晚駐漢江洲獨上危樓俯碧流風急水夷槳鼓
舞日斜神女弄珠遊西山紫翠寒光暖北渚雲烟暝
色浮回首鳳城人擾擾綠窓寂鎖深秋

清夜

激灑松間月玲瓏石底泉園林起靈籟籬落帶寒烟
又

悲風鳴浙浙寒葉下蕭蕭獨立空庭月長吟望九霄
靜夜

靜夜月娟娟庭柯玉露懸涼颿起林末孤鴈叫雲邊
川逝佳期暮巖居世事捐徒吟白雪曲餘響入遙天

雨後

雨後餘雲在雲邊缺月明潤添庭草色流漲澗泉聲
半夜天機靜千林地籟生沉冥存一氣幽妙洞群情
雨後尋蟬越寺

雨歇郊原宿霧收白雲紅樹滿山秋孤筇晚向林中
寺衰草荒蹊水亂流

踰秋嶺坐溪邊口號

攀嶺踰溪逕路遙黃茅赤葉共蕭蕭村林日晏荒烟
斷松樹寒深翠色饒杭稻已收猶灌水冰霜交積未
成橋停驂獨上亭皋望翳日陰雲滿九霄

又

斜陽歇馬小溪邊渺渺歸程草樹連為避風寒尋岸
曲且依暄暖坐林前啼鳥噪鵲迷荒野亂岫疑雲接
遠天倚石嘯吟忘就路遙村處處起炊烟

晚入崇禮門即京城南大門

南門晚入馬行遲塵市旁流廣路披松岵輕風珠履
步雲街斜日玉珂馳聲名文物斯為盛道德才華豈
有遺可嘆迷遠來又去空將素服染塵緇

入京寓宿青寧尉橋邊月夜獨吟

中宵不寐獨徊徨霜露霏微月色涼長慶山頭雲華

并青寧橋畔樹蒼蒼沙堤紫陌蹄輪絕銀箭金壺刻
漏長風送數聲何處笛不堪凄切斷人腸

又

犬吠鷄鳴遠近聞風傳金闕漏聲繁窓前皓月驚孤
寢雲外哀鴻斷客魂遠別紫荊出丹壑強隨槐柳列
朱門心為形役緣荒歲不是爭名赴世喧

謁聖日取士

金壺催箭外班齊燈燭輝煌璧水西鳴蹕鑾輿端
冕肅焚香玉殿羽旄低環橋並聳臣民聽近榻新
開甲乙題日暮天旋簫鼓振祥烟瑞霧滿途迷

兩律足與賈至
早朝之作
爭雄
京人七
律當以
此歷卷
惜乎下
篇落句

又是日取文科三人

帳殿前開羽衛齊臚傳龍虎列東西月中仙桂三枝
秀日下祥雲五色低勅賜飛龍珠勒馬親頒彩
鳳紫泥題鴻恩欲報身宜瘁莫使心情被物迷

夜渡羨吟江寄雪簑

田里來寓江上亭即
公舊居有羨姬數人

高閣滄江上危欄古木邊浦雲朝灑灑波月夕娟娟
蘭蕙芳雖歇儵魚樂自全孤舟獨夜客延想意茫然

又

群峭蒼巖秀長流檻外斜幾年悲去國今日喜還家

饒乏上
簾鳴蹕
蓋與四
字不活
然不害
為至寶

抵玩凌波機空留上漢槎迴繞瞻縹緲水月浩無涯

又余客遊累月雪簑家
又有少姬故未句及之

月邊移短棹霧裡渡長川人語漁村路燈明賈客船
玲瓏洲沿繞浩渺水雲連遙羨紅塘上鴛鴦相對眠

孟冬大雨連日過小雪日氣和暖偶成二首

寒林宿雨足烟嵐奧室冬溫晝夢酣幽壑泉流來屋
北古查烏鵲在籬南芽抽遺穗將成穎湍瀉閑階欲
作潭既致大無還極備茫茫天意竟難探

又

連朝終夕苦翻盆雲霧冥冥日月昏大雨已能經小

雪冬嚴無那換春溫庭前碧草侵階長林外丹葩滿
樹繁祇喜流氓還一葛陰陽顛錯不須論

雪

雲容風色晚來殊凍雨中宵與雪俱卧覺紙窓明晃
朗起看松樹白模糊傍林村靜柴荊掩遠渚田空鴈
鷺呼自顧簞瓢難卒歲猶吟郢曲據枯梧

過景安驛

叢薄風悲野雪深平原極目接脩岑寒天落日行人
絕荒草幽蹊匹馬尋山際亂雲浮片片村邊枯樹立
森森垂鞭躡鞚孤吟去不覺棲禽已滿林

蘇許公
後不見
此等休
格盡在
之美我
未之見

送月沙赴京和名李廷龜字聖微時遠時誣以構
門外特召遣
之原任判書

聖主罹讒極明公起廢中
揆天摘麗藻貫日暴誠

忠事急寧辭疾思深合匪躬
妖氛迷薊北征旆度

遼東悵望千山路還藏一畝宮
更堅松栢志行待鼎

彛功

送亡妻表弟俞湜赴任井邑林偶入京

悼亡情轉劇敦族意彌深
未共一宵被况分千里襟

雙鳧遙海色孤鶴返雲岑
數寄相思字令寬幽獨心

與雪簑玩小閣梅花仍設小酌

高齋歲暮盈觴酒共對寒梅一樹香
詩老襟期合清操羨人歌曲慰孤芳
繁花直欲頭邊掉落盡還宜額上粧
醉引疎枝聊悵望河冰山雪北風涼

叢羨吟江向竹山

曉策疲驂向故園永堅江路接荒原
林風吹雪填幽磵洞霧連烟暗遠村
斃盡貂裘還自笑竭來圭竇更何言
寒天橡栗春山巖卒歲優游謝世喧

雙橋途中作

亂山晴雪耀斜暉林薄風號鳥不飛
長路無人獨歸去村村窸窣掩柴扉

句句洒

病中作

彌疾闕昏曉展不眠食少疲卧肩脰酸起坐腰支掉
小麥備饌陳口爽先生嗔重緝雖畏寒温多不安身
老來歡歡心况此久呻吟靜默百慮起驅車還侵尋
隱几寂自守落日明戶牖徐和即有喜鍼砭何須取

次金道源韻以為寄

科歷駒清頭以言官不梳於時遂被遠謫今則
故歸於次于江上讀秦漢詩文以自娛作俠客
行以視余余步韻
以寄時年二十八

君不見嶺上孤松冒霜雪青青獨抱歲寒節君不見
匣裡雙劍埋塵土凜凜精光久不滅男兒氣槩本宏

虎嘯深
各鷄鳴
封頭

賁豈以否泰有盛歇時違矯天至山步時至揄揚金
門謁鑿園枿方多齟齬明農曾遜五畝宅豈知耕也
餒在中躄躄復作秦京客九開難道徒扣額十書不
行更瀝血朱門諂笑病夏畦却向家人示吾舌瓶粟
已空甌生塵俯仰宇宙愈激烈今君在篇慨以慷慨
叫直欲心膽裂少年善養乃如此却與老夫將相埒
眼底海岳蘊融結頭上日星儼森列噫吁噫黃昏已
迫佳期暮獨立雲霄心自苦南山之歌梁甫吟幾時
商家作霖雨

附元韻金道源俠客行

君不見太華嶺上三尺雪向日照之難為節又不
見漢水江頭十丈冰青春受謝終應滅世間翻覆
亦如此萬事有盛還有歇千鍾取醉欲自適誰能
碌碌事干謁有目不見七貴面有足不入五侯宅
猖狂一世掉頭行會是悲歌燕趙客袖裡空餘朱
亥鐵銅盤未軟毛生血澠池昔日會秦趙披却相
如三寸舌惜哉時無雄俊士坐令豎子收奇烈海
內即今何言平壯士相逢膽欲裂百駟於我何有
哉富貴莫道黃金埒低頭乃與噲等伍裂冠不作
兒曹列一片中原白日暮何人識得心中苦大笑

出門不知處六月衡山晦風雨

途中作

花紅柳條綠春色望中迷東作民生樂西遊客意悽
林烟蔽小店野燒露幽蹊吟賞渾忘遠遙岑日已低
夜直分曹
虛閣迎風夏夜清疎簾對月旅懷盈荒年糊口神何
王薄官縻身夢亦驚冠劍強將隨禁直奕碁那得事
巖耕坐來玉漏繁聲盡官樹沉沉曉霧橫

宿李生家不遇曉發

靄靄桑麻繞石田依依村巷俯平川宿雲欲散山容

絳雲在
天卷舒
任意

淡新旭初敷野色鮮客子催車披草露牧兒驅犢入
林烟尋遊未遂連床穩回首衡門倍黯然

松嶺溪邊作

水漲溪流溢小橋傍山歸路碧迢迢雨晴林壑霧初
散日出岑巒雲未銷漂梗行裝何泛泛懸旌心緒劇
搖搖晚來歇馬枯楊下幽草閑花野趣饒

返廬作

昔去花始紅今來葉已綠朱明代青陽時序適何速
人事隨化變居然互歌哭胡為世塵裡匆匆自踴蹙
蹙予值歲荒僉勉徇微祿肅肅深闕閉寂寂分曹宿

休暇巾征車行行屆舊筭衡宇欣漸近松檜蔭幽谷
苔草被石逕鳥雀繞茅屋入室倚南窓抽閱古書讀
琴碁拂塵埃籬落葺傾伏逍遙日成趣佳賞藹盈目
田中苗已興壟上麥向熟猶足繼家食奈何曠公餽
不可久遲留明日理余軸雲蘿姑舍去軒蓋還相逐

又

曉起開窓坐長吟望遠空傍山飛鷺白映日落霞紅
才薄難供仕身安任固窮今朝有奇事魚躍菜園中

又

林泉清晝永處處綠陰多獨立耽魚樂閑吟和鳥歌

荷裳笑簪紱塵網隔雲蘿盡日逍遙極柴扉人不過

陪祭 宣陵自 獻陵分脉

聖主千年宅窮崖湖水傍龍騰分大脉象設擁高崗
瞻慕疑如對君蒿若不亡還思劫玉日涕淚自濤濤

與許汝厚者友會話溪邊

予衫繫帽穩相宜幽趣閑情只自知獨步中庭起遐

想催驅下澤赴佳期臨流展席濃陰裡膾鮓炊粳薄

暮時共指盈疇牟麥熟登場猶可救民飢

又

孤鞭日晚傍山行穿壑涉溪十里程草色迷空野烟

碧雲陰滿壠麥風清青眼相逢林下士冲襟俱遣世
中情垂綸濯足無窮趣更注幽盟畢此生

送九畹李令公赴聖節使名春元時天子崩逝而傳訃差官未來故

仍送之

宗周朝聘禮無隳况是鴻休誕聖期電繞虹流千載
慶天崩地拆萬方悲龍池灰劫嗟今日鳳記瑤編想
舊時起死存亡恩莫報送君哀淚自交頤

次李典籍韻余入直分曹名景義

庭前楊柳拂烟絲虛館寥寥薄暮時雨歇禁林溝水
漲蛙鳴處處為官私

夏日許水使客堂戲題余族姪名完

高閣多清風朱炎戢其威
偃蹇止窓下當午御浹衣
神爽氣益道閑佚靜心機
馳望岑岫列周觀宮室巍
薨捕間林樹玲瓏映晴暉
填填車馬音靄靄雲烟霏
古塔半空出危堞四面圍
闌闌擁青樓街街連金扉
輝赫似畫圖羨我邦之畿
况復聖澤流荒歲民不
饑茲余保庸衰供職免是非
暇日以逍遙披襟逸興
飛擬欲脫塵累必喬其度希

次雪蓑韻以還寄

纔見迎霜芳蕙零更聞承月吐仙萸年光空閱禁

中直物色應留川上亭銀鑰金壺愁不寐菱歌漁笛
醉還醒相思日夕披華翰悵望雲天意杳冥

送寄雪蓑

雪蓑初不留意於詩及至還請力為之

由來凡物不平鳴夫子新詩最有情中允聲名少無
敵蜀州詞翰老能成行吟已得江山助揮灑還看風
雨驚從此陽春和人在可能酬唱送餘生

又

雪蓑邀余余托還家故未果作

忽起歸廬興還孤解榻情長途泥漉漉虛谷鳥嚶嚶
桑柘舊林綠江湖新水生悠悠夢想極幾日笑談成
禁直次人韻

樓殿參差烟樹深憑軒晚日愁傷心重來鎖直三年
後入事推頽老病侵

寄金道源

園林秋氣夜來多獨對蒼山倚弱阿耿耿簷楹橫玉
斗離離庭砌泛金波炎蒸已散還舒泰疾瘳將蘇欲
詠歌遙憶西江金學士索居觀物意如何

又

霽月澄輝此夜多思君不寐步庭阿遙怜極浦逢秋
色獨倚高樓對夕波蘭蓂百年同臭味義洋一曲和
琴歌尋遊即欲成歡賞長路嚴城可奈何

句鍊成
或章

獨卧寄鶴谷

名洪祥鳳字輝世前任承旨

蕭然茅屋下獨卧看星辰露洗天光淨烟銷月色新
漏聲傳北闕琴曲動西隣無限靜中趣寂寂誰與陳

寄金駙馬三友堂

翩翩金駙馬遙在碧山阿逸翰驅風雨幽棲近薜蘿
相逢聚玄石共酌俯清波不盡新知樂纈纈無奈何

西亭子

北岑隆崛易南趾迴縈紆龍蟠廣野際衆麓迎奔趨
左瞻松嶺秀右眎林烟鋪谿谷紛相依墟落延其隅
爽塲擾高脊結構容設席薄覆益清涼無障自虛白

餘炎去埃鬱登眺匪朝夕畦壟曠以繇禾黍青黃赤
而余志閑放生平慕獨往幸寓立隴側獲此廣延賞
猶為逐微祿役從縻塵鞅明日金陌上回首雲泱泱

途中作

曉發枝山西朝及懸川東晴暉映翠林
玄蟬號樹間巖石鳴流淙窈窕壑谷邃蒼蔚蔭蒼松
驅馬汭流上下馬披芳叢跳躍躡溜石投身別隴中
解衣掛樹枝坐羈依陰濃木葉有瘳黃林花發青紅
氣朗氛霞霽白雲揚遠空幽賞雖晷刻怡悅若歲窮
塵纓濯澄瀾煩襟遡涼風清音爽心耳不假竹與桐

自在

坐久遂忘機戲遊魚鳥同日晏上馬去塵路還忽忽

尹都事商衡挽歌

人生何倏忽百年驚颯迅况此三分一瞥然猶一瞬
方見子之半朱顏與綠鬢話別未旬日奄忽已就殯
曾聞有微疾吾謂子可慎豈意仍遽亡不及相問訊
吾與子嚴君盛年俱無徂及見子與季貌秀且才俊
自顧嘆榮獨羨子門運振未強子今亡未弱季先殯
不如吾本無指掌情何忍嗚呼大化中人事同朝葬
願期孰可喜夭折更何愁已矣勿復道安時而處順

歸廬作

茅屋蕭條草樹中
泉流聒聒遠西東
庭窓忽過千峯雨
籬落還生一陣風
村起夕烟迷近野
雲連斜照映遙空
怡然獨坐融心想
耕餒官寒任道窮

幽齋待月

崔巍東嶺雲霄半
獨坐深更月上遲
忽見澄輝映林杪
漸看寒影滿松籬
清宵耿耿仍無寐
暗室昭昭自不欺
直到泉巖渾晃朗
却疑身世在瑤池

望水精寺憶舊遊題寄鄉中親友

經年未陟山頭寺
遙見飛甍橫翠微
落日烏還雙樹去
孤峯雲逐一僧歸
風霜荏苒清秋過
詩酒留連勝

晉幽深

事稀擾擾復尋京
路遠閒遊惜與故人違

遣懷

為農荒歲空勞力
費廩清朝多厚顏
司馬成都家四壁
士龍京洛屋三間
風塵霜雪形容老
棋局詩篇日月閑
龜飲鶴棲聊自足
華簪玉案更何關

途中雨後作

旬朔連陰雨復晴
長程泥滑馬難行
青黃朱綠林花色
遠近高低野水聲
雲影漸移看日透
樹梢時動覺風生
催鞭未暮須投宿
月黑山村路不平

客夜

小降一
格豪氣
百倍

客榻寒燈夜向深
疎簷雨滴亂蒼吟
心愁竟句微微
詠眼空一書
細細尋勲業未成
常道路消埃無補合
冥沉隣鷄已叫
猶匡坐靜對窓
攏曉月侵

客夜贈李生

虫鳴床下秋強半
燈翳窓間夜向分
捺亂客懷眠不
得連衾談笑喜逢君

早發

宿霧微茫曙色遲
秋林蒼翠露華滋
衝泥匹馬凌晨
發踰嶺孤村趁早炊
風靜虫聲喧草岸
水深人跡在荒陂
棲遑來去成何事
剩得飄蕭兩鬢絲

夜直分曹聞新鴈

朝見辭巢燕影催
夜聞遶塞鴈聲哀
翻驚天上清霜落
却怕林中紫蕙摧
身世蹉跎衰又病
炎涼荏苒去還來
空房獨對孤燈照
流響歸時萬慮灰

寓直偶吟

林居累歲任疎慵
禁直經旬百病攻
入籍趨呈還出
號深更坐度自高
春欣迎駝駱山頭
月苦待雲從街
裡鍾秋滿纜餘
三十日田園歸去
更明農

秋日禁直雨中得家書

禁林寒雨晚霏霖
簾幕沉沉省宇深
三逕園荒徒費

夢萬金書至更傷心
羈孤遊宦年光暮
疾病憂愁髮雪侵
鎖直經時猶未脫
家鄉遙望隔雲岑

次太醫鄭正楠壽九日直中偶吟投呈韻

生涯殊濩落詩興轉清狂
孤唱酬佳節長吟到夕陽
菊花猶寂寞虫響更悽傷
坐待西樓月澄輝皎夜霜

又

寂寂深宮閉無緣
醉興狂人情殊老
少時序迭陰陽
爽氣氛霞霽寒風草木傷
鄉山今夕會歌吹繞飛霜

寓直遣懷

秋陽照耀紙窓明
就暖癡蠅飛又鳴
踈影婆婆墻柳

颺清陰在并嶺雲生陳編試閱還歌枕
新句纔成更對枰
閑佚不須林藪隱始知方朔漫箴名

又

烟巒岑寂繞宮牆
苑樹蕭森帶夕陽
歸燕簷前猶就日
斷鴻雲外已驚霜
數旬寓直拘如繫
一病沉緜卧在床
遙想林園秋興足
滿樽醺醖菊花香

又

偏勞鎖直無時已
弦望連仍晦朔同
坐覺風霜催節候
更看烏兔送東西
衰毛休鑷爭抽白
病眼頻揩漸爛紅
身老何堪供職事
不如歸卧舊林中

三作帶
森疎爽
不下秋
興諸篇

點軍罷口號

逐名呼點入衰老雜中男
服飾皆殘破行裝盡荷擔
疲慵知己極巡徼恐難堪
日晏周廬靜相依晝夢酣

禁直翫月

玉露金風夜氣清中天涼月十分明
彤墀紫闥澄輝滿碧樹青岑素靄橫
將老微官來遠客不眠孤榻坐深更
悄然萬戶塵囂息靜聽遙砧處處聲

禁直夕望

茫茫寒日下西城閭闔秋聲薄暮生
雲歛翠虛上寥廓氛消蒼岫近崢嶸
空堂獨坐還多感遠地相思倍

愴情暝色漸來簾幕靜塔前蒼響自淒清

又

秋來多病轉悽其寓直連旬出未期
小砌黃花霜落後禁林紅葉日斜時
長空漠漠看雲遠高閣寥寥報漏遲
宋玉悲憂潘岳老可堪簪笏強逶迤

分曹夜直與省中諸友翫月還房獨坐口號
談詠南樓興不窮歸來獨自倚窓櫺
樹林葱蒨淡烟外殿圓參差明月中
鎖合千門人語絕風連雙闕漏聲通
鷄鳴就寢仍無寐坐對寒燈懸玉虫

夜直翫月翌日得寒疾

音節壯

如練
月長空
如練

下篇九
奇

清遊昨夜偏冷月寒疾今朝故避風扶侍無人鄉思
剝呻吟度日官情空深秋孤館眠常獨荒歲微班祿
未豐祇得新詩餘百首尚多庸拙竟難工

次前韻復寄三友堂即金駙馬金駙馬前次

藻翰羨無比吾言不至阿高標出矣壻幽趣入雲蘿
彪炳初窺豹汪洋竟挹波妙英真可畏老拙更如何

禁中秋晚

曉來微雨散輕陰雨後秋光滿禁林堦上踈英香卉
每攬頭老栢翠森森袂衣初御新寒重藥餌難求舊
疾深坐閱朝暎空館裡安排徒費短長吟

又

斜陽無語倚雙扉秋館寥寥更稀樹色烟中紅葉
滿天光日下白雲飛年來未覺淵明是老去方知伯
玉非羈絆此身歸不得林泉魚鳥已爭譏

與三友堂並繼訪金道源于西江仍留宿是夜雷雨

連鑣向夕出西郊為訪騷人到漢臯笑罷離懷遂披
豁醉來詩興覺雄豪三更書榻燭明滅十月江天雷
怒號感暮傷時嗟嘆極曉窓寒夢未成牢

翌日又次前韻贈道源

雲霧微茫滿遠郊美人相對在江臯摧頽共惜年光

晚蟠屈還驚意氣豪極浦寒波搗出沒長洲宿莽鴈
飛號清歡不盡旋歸去後約懸懃恐未牢

送漢南君以進香使赴京名李必榮字而實時正二品

天王下席震遐方夫子乘輅赴帝鄉拱北君臣
即如喪環京民物昔忘亡衣冠月出燕臺下松栢風
悲易水傍號慟群情寧有極皇皇都付一焚香

還家作

仲秋赴洛孟冬迴頓覺人間歲月催哇隴曾看禾黍
遍園林今被雪霜控形同枯木真堪嘆名是浮雲祇
可治從此嚴邊牢置屋松開長掩不須開

次李子方禁直韻即景義字號倦遊

老去宦情少秋來鄉夢長更聲到高枕雨氣襲寒床
落落安吾分悠悠付彼蒼何時謝簪笏雲壑試青囊
遠任後自京下來投宿李進士元龍家不遇遂

題壁上

邯鄲夢羅却驚迴古廷還尋雪裡來聞說主人京路
去慣看兒女華門開盈場禾黍知財阜堆案詩書認
學該永夜不眠思想極滿庭松月獨徘徊

夢烏亭次李寶之韻贈主人雪簑翁

川上巖居在百層尋遊暮節試來憑寒洲初駐雪中

掉高閣仍懸雲外燈
荏苒如流驚歲月
崔嵬自出羨
丘陵杳然日對微
前夢却訝微言飛
無能

次幽閨怨

曉起春風透碧紗
桃花綠水更如何
雲鬢掠削均殘
淚謾把金刀剪
越羅

無題

獨奏瑤琴向月明
數聲哀怨曉風清
美人何在佳期
晚誰識悠悠此夜情

又

半世青鸞伴木鷄
更將殘燭泣空閨
誰知孤鳳求凰

意悵望紅樓春思迷

月夜泛舟東湖夢
烏亭下聞彈瑟觀懸燈
又次

壁上韻寄主人雪簑翁

停橈仰望紫岩層
却想幽人翠檻憑
雲月靜時鳴寶瑟
樹林深處暎華燈
烟連衆嶼渾如畫
魚出重淵恍若陵
欲記情懷遙寄贈
終宵哦咏嘆無能

與諸少友上水晶菴夜宿曉題

秋風起長薄
秋雲橫遠山
志士感秋懷
悵然望林巒
携筇穿壑薄
暮時遙尋蘭
若雲之端
烟迷石逕上
蟬鳴松樹間
昇堂倚楹日已暝
樹色蒼蒼風露寒
儒生

三四僧五六與之笑語何團樂小殿裏聞佛燈明夜
深轉覺心魂清坐看戶牖漸瑩瑩乃知皓月東峰生
開窓送遠目郊野素靄橫高天耿耿迫空澗玉斗銀
漢掙光晶道然一嘯長宇宙何茫茫蓬壺在何許吾
欲乘雲翔憂愁鬱邑此時豁朗詠高歌達明發

秋日吟

我有熱霞想蹉跎六十齡金丹久未成毛髮還星星
秋風今又至颯爽霜露零卉木隨節氣堅脆皆變形
况非金石質安得恒如一百感集中腸恍然若有失
晚日稍溫煖登臨恣遊佚爽黃亞野桑滋紅罇山栗

逍遙靡所適駐策倚穹石渚田禾黍熟收穫紛絡繹
顧慚無二頃秋登猶戚戚歸來返茅屋曖曖日將夕
團團存一氣滂液對古冊心遊今古瞬氣軒乾坤窄
終期守吾真矢不為物役

秋曉吟

秋至宵漏永老去憂病侵展轉不安寐朋發仍悲吟
起來步前除寒颼襲我襟缺月有餘輝晨光豁遠岑
村烟連野霧暮歷東西林鄰舂侵早急驚聒起棲禽
接耳與觸目轉覺林棲深緇塵永遠隔已斷西笑音
尚有葵藿性瞰出自傾心

登翁主庵

雨後秋光徹翠虛夜深林壑月華舒形容耿耿超塵
界神氣悠悠接太初天地端倪望無極雲巒繚繞盡
難如長吟獨立蒼巖畔直到參橫興有餘

壬戌春帖字

北磻冰初解西涯草欲生孤琴動一曲早得春風情

又

今朝新旭轉昨夜東風吹白雪點梅萼黃金粧柳枝

又

就列孫弘少知非伯玉多逍遙丘壑裡高詠復長歌

微雪中李生來訪題贈

駒城即龍仁別號李生居龍仁

薄雲掩殘日微雪舞輕風獻歲寒威在幽居世慮空
逕通疎樹外家住亂山中偶值駒城客襟期暫與同

深山

深山春晝有微風坐對圖書一室中林景漸暄禽語
滑溪水初解水聲通村翁就問畱畬地鄉士來資學
問功但願廟堂多石畫四郊無壘樂年豐

春日口號

春還林壑靜遠近起樵歌祇有幽僧約都無俗子過
陽崖初覓草水澗欲生波獨倚閑窓晚鳴琴奏泰和

春日與金生好文休上人談詠論

共坐小齋奧潛心討古文餘寒春尚在殘火晝猶薰
晚雪還成雨淒風未捲雲今宵且留宿泥路恐難分

又

小雨和輕雪晚來猶未晴林中春鳥語籬下午鷄鳴
舊簡憑窓閱新詩望遠成休公與金子酬唱共幽情

次休公韻

春雨林園靜新詩與爾裁傷時悲感集觸物興情來
商嶺歌三秀西湖詠八梅神交千載上吾意不催頽

觀物吟

倚戶久怡顏寂寂春晝闌園林初霽雨雲霧尚含山
幽壠綠篔簹濃花滿目班悠然觀物趣坐到暮禽還

遙寄金道源

靈原春日鴈飛迴短札披來涕滿腮只謂遊從水中
止那知飄轉海東隈茫茫雲月寒松寺渺渺烟波鏡
浦臺嶺外風光徒夢想憑人須寄一枝梅

又

亂後生涯類轉蓬羨君遙向海山中兵塵嶺嶽應難
到世路滄洲定不通北極雲橫迷遠望東方暎出照
深衷形分萬里情逾合夢裡依然笑語同

四律俱
情到之
作故音
律不窮
工而工

自負至
此宜俗
眼之驚

字字識
識如九
在手

又

佔俾呻吟五十年邯鄲匍匐自堪憐才超晉魏何能
爾律比蘇黃更艷然衆岳排雲瞻突兀百花含露覺
嬋妍須存一氣加涵養風格還防俗俚遷

又

恥隨腴脫賭時名骨格森嚴俗眼驚獨抱真元能運
化猶存大璞更希聲風行水上端波起春至山中草
木榮願視群味堪一笑會將吾子共先鳴

赴李子新之邀到山莊題贈

巖耕暫輟赴鳴傳路轉清溪統綠疇門外幽林迷宿

雨庭中落蕊泛殘流傾情款曲終今夕托契慇懃共
一丘醉酒欲歸餘興在碧桃花下更淹留

雨霽

巖泉雨霽水聲來林暝烟消日影迴坐聽簷前幽鳥
語風吹竹戶閉還開

偶題

宿雨朝來歇群峯半入雲野田流浩渺庭草色氤氳
晒藥迎新旭抽籤閱古文寥寥丘壑裡樵唱有時聞
又

一室林園靜松扉向野開鳥銜櫻實去蜂趁草花來

微雨山前過，輕颺樹裡迴。閑中多逸趣，浩蕩信難裁。
過羨吟江月，夜泛舟雪簑。夢鳥亭下次，前韻雪
簑時仕在朝。
危欄江上碧，層層一抗塵。容更不憑落日寒，風動虛
幌中宵。明月替華燈，憂愁祗欲流。為梳歡樂都忘谷，
變陵夢裡鳥言猶在耳。臨危勇退是誰能。

許生渾挽詞

昔年相見李生齋，各說林居笑語諧。秋晚稻梁登後
圃，春深苔草沒前階。同宗契曠情猶篤，兩地棲幽志
不乖。今日重來哭歸觀，獨持初服返陰崖。

自羨吟江移寓龍仁李進士雲長家欲買溪亭
而未得戲題以贈

落日風林靜，懸燈雪屋明。引盃挑醉興，披帙動詩情。
更約同巖築，仍成偶壠耕。悠然出塵想，談詠到鷄鳴。
將尋隱寂菴，天欲雪口號。

昨夕雲容盛，今朝雪意多。鷄豚散墟落，鳥雀聚林柯。
獨坐蒼山靜，遙看野客過。晚尋崖寺去，委積路如何。
幽閨怨并序

李雲長卜妾于某處而畏獅子吼自秋經冬至春
一不往見妾寄書致怨書辭悲楚覽之不覺淚下

三四通
真詩中
之畫

遂作此詩

年光荏苒自相催何事情人去不來草木凋零冰雪積東風又發一枝梅

寄疎菴在博二叔英

李公惺之子得怪疾自言遊於紫府與群仙相語語曰任某即天上仙官以事謫下人間而其代尚一差出云

為問謫仙子驂鸞幾歲歸清都尚虛佇塵世足訕誹落日蒼江遠春天雨露稀還怜許椽老猶採北山薇三月三日渡漢江路上口號

艷陽佳節值三三浩蕩春愁日不堪况是客行長路上可憐風物大江南萋萋堤草芳初遍漱漱溪流綵正涵遙羨山陰興洛涘羽觴藻翰樂方酣

與鄭僉知欽哉鄭通禮養一尹正翼世尹東萊顯世逐日會話皆不喜飲為設餅餌遂名之曰餅會顯世先賦近體一首諸友和之余亦步韻以酬

四五畸人居對門優游度日亦天恩相迎杖履披荒迳競設饌餽督綠樽璀璨數甌逾漱漱芳香五內勝昏昏仍成佳賞襟懷暢更賦新詩意氣存

九日與鄭僉知欽哉鄭通禮養一尹東萊顯世

金正士懼鄭生負孝俊出東大門登高觴咏呼

韻賦詩

城中無處覓丹楓來陟東岑萬壑通更折一枝巖下
菊徘徊落日意何窮

又

人生不必強求仙獨往雲中與海邊爭似盍簪成勝
會秋山斜照笑談妍

秋夕偶吟

薄宦纏身久幽居入夢遙世情逾忽忽心事轉寥寥

落日千山靜深秋萬木凋胡為不歸去汨沒老塵囂

任疎菴挽詞

疎菴姓任名叔永字茂叔

昔余往問疾疾瘵體舒泰翌明見奏章正氣鬱靄靄
余謂神明佑邪祟莫能害日夕哀計至菴已就冥昧
奔哭啓惟堂容姿儼覆蓋舊病倘留內新疹或襲外
忠貞天不慙正直人無賴邂逅嶺北遇慙慙廟南會
七載水晶野悵望奉安瀨氛昏始開朗京洛共冠帶
雲泥趣雖異相晤心情忭文辭互激厲氣像相掩藹
馨歎一云隔摧慟無可奈是知歲月促孰云乾坤大
青天邈雲披朝陽間鳳熾悵悵瞽無相贖贖國失蔡

嘈嘈引靈輶長旌以為旆魂氣去何之骨肉巖蔚蒼
僂乎尚無見泠然言甚太已矣勿復道萬事同埃益
上元日與鄉友約會于蟬越寺余先至與老僧
話
二年京洛厭緇塵舊禁歸來值早春坐卧空齋披簡
帙招遊寶地賴朋親山深冰雪寒威在風靜簷楹日
色新却與老僧談寂妙還將西笑作西嚮

習讀玄禮祥赴京余令買書冊

玄生家住接隣閭累世情深骨肉如偃蹇長身猶識
禮呻吟佳句更能書備負自幸陪行從下七何妨廁

起居况復園菴頗得妙從今投分未應疎

題永平山城

昔日抱川今永平何年誰于此經營靈岩欲效李公
井南漢將追溫祚城邑裡村墟尚磊砢山頭雉堞空
崢嶸人和終古勝天險版等不須誇我氓

初到生昌驛

曉霞捲逸汀驅馬到郵亭庭畔孤松翠窻前列苗青
閱騶中上下點卒老殘丁向夕殊閑寂秋林對數螢

又

郵督人皆厭求除笑我庸偷關願疾疾辭富保衰慵

扉宇依青嶂，簾幃掛碧松。怡然甘晚食，魚菜足厨供。
午睡後口號

案上拋書帙，風來自卷舒。都忘官務在，祇覺世塵疎。
疲倚朝飧後，閑吟午睡餘。悠然渾喪我，疑是白雲居。

五六較
不稱

雨後拱翠亭偶吟
新秋坐高閣，悽惻客愁生。雨裡千山暗，村邊一水明。
思家頗有夢，戀闕更多情。遙望秦城遠，雲霞接眼平。

又

荒城秋日雨，村靜夕烟生。野鳥來還去，山雲暗復明。
他鄉仍感物，遠客轉傷情。坐覺前溪漲，波流接岸平。

諸律俱
五五正
格

又

長風驅驟雨，庭樹晚涼生。向夕雲初散，中宵月正明。
宦遊今日事，羈旅古人情。寂寂空齋裡，悲吟志不平。

又

客亭雨初霽，微月映遙岑。風轉灘聲聒，烟迷野色沉。
靜同林鳥息，閑與草虫吟。外事俱消遣，熙熙太古心。

早發昌道驛

宿雨曉來歇，陰雲晚不歸。郵亭客子發，荒樹亂鴉飛。
濃淡霜林潤，空濛野迳微。名區看咫尺，驅馬且駢駢。
自通溝霧中，發向斷髮嶺。

三四香
吟所得

入山諸
作足與
楓岳爭
雄高處
頡頏老
杜低處
猶足比
肩獻言

冥搜貪取程十里霧中行谷暗愁無路溪深喜有聲
村扉近難辨楓樹遠還明日午涼颯發殘霞片片輕

散斷髮嶺

髮嶺初登却駭肝瓊峯珠岫接雲衢曾聞秘錄三山
記宛對真形五岳圖秦帝樓船空浩渺周王綵駟謾
馳驅乘風直向清都去不羨長房白玉壺

過長楊縣有感

此地奔亡三十年山川原隰尚依然途中古樹應相
識亂後餘生却自憐負米摘椹炎雨裡停驂躑躅夕
陽邊低回欲訪休棲處寥落荒墟灌莽連

入長安寺

欲授長生錄遙尋不死庭真形匿千嶺秀色倒重溟
凌歷瓊瑤窟回翔鸞鶴翎還嗤列子善有特御風冷

過鳴淵

清晨向百川亭午到鳴淵遠壑奔流瀉深潭駭浪旋
雷霆喧白日琴瑟韻秋天獨立危巖上高情益渺然

入表訓寺

昔觀太史名山錄方丈蓬萊東海中秦帝射魚將架
石安期留舄且乘風丹霞掩靄黃金闕紫氣慈籠玉
藥宮今日真形宛相對雲遊羽化更何功

何其壯
狀非言
所能
形容故
不復批

登正陽寺

昔遊七點尋曇氏今陟千燈訪永郎
瓊閣玉臺森縹緲鸞鵠馭儼翱翔
戲偷拖樹千年實笑看桑枝萬
里長倏忽東南無不可幾時金節拜真皇

登天逸臺

崢嶸天外萬千峯戍削巉巖各異容
玉塞清霜排劍戟瑤池皓月秀芙蓉
玄冥定是神仙宅靜散應無同
兩逢顧我平生長往志將携琴鶴寄雲松

下正陽寺入萬瀑洞

曉吸峯霞漱正陽心懷琬琰氣芬芳
坐邀王子流沙

上更接仙郎月出傍龍瀨雨晴白虹起
鶴巢風靜綠雲長羽衣虬杖逍遙久
塵世紛昏益可傷

又

香爐峯色映天街萬瀑飛流繞紫崖
誰謂真區難可到自憐仙賞始能諧
泥丸已透雲霞氣蟬蛻將遺土木骸
從此永忘塵世事羨門王子遠遊偕

萬瀑洞逢雨

香爐峯上片雲飛萬瀑洞中山日微
知是三龍歡客至故教靈雨灑行衣

題寶德窟

天風嫋嫋雨冥冥白玉樓開雲錦屏寶座寂寥珠珮
遠深山何處訪幽靈

雨後向摩訶衍

洞天踈雨晚蕭騷傍水緣崖石路高頻住肩輿尋絕
境白雲紅葉共遊遨

暮登摩訶衍龍頭巖

攢玉群峯立鳴雷萬壑流登臨意不盡落日更淹留

遊黑龍潭

手携綠玉杖晚過黑龍潭飛瀑水聲壯映空雲影涵
巖逕蒼苔滑林巒赤葉酣更看群岫拔冰雪半天參

龜巖

千歲神龜化為石昂然舉首截奔流疑迤廟裡刻腸
厄宛作塗中曳尾遊蓮葉著叢雖已遠捲床入網更
何憂狂瀾駭浪終難動穩過年年風雨秋

自摩訶衍向水站

平處肩輿險處筇每逢佳處坐從容深潭鳴瀨連飛
瀑翠栢丹楓間碧松

上水站望群峯

是日雲霧蔽塞不見山形

仙遊未洽向塵寰顧望遲回不忍還知是山靈嗔我
去故教雲霧蔽岑巒

過水站寄堅師

連稠夜宿正陽菴分袂朝經萬瀑南銅柱攀登寶德
窟瓊流坐翫火龍潭摩訶衍閑塵埋佛妙吉祥空草
沒龕七日遲回過水站更題餘興報瞿曇

登佛頂臺

縈回磴道出林端忽見竒巖斗結蟠俯視絕冥危慄
慄遙觀巨海森漫漫十層飛瀑軒紈展萬丈懸崖白
玉攢探勝不堪無盡興秋天落日更盤桓

到掄帖寺

欲別真區去復留更逢金刹出林幽千條翠栢連丹

壑一派瓊流架彩樓風鐸玲瓏驚落葉庖眉邂逅喜
聯稠明朝又下曹溪路度壑穿林步步愁

遊仙詞

縹緲仙山碧海中黃金為闕玉為宮曉來日出扶桑
上瑞霧祥雲郁郁紅

又

獨上瓊峯吸正陽黃芽已長綠瞳光丹霞冉冉祥風
起姮娥河車謁紫皇

又

龍杖騎來掄樹前峯頭無竭盡欣然招邀泛海鍾中

佛五十三人對一仙

又

衆香城上獨翱翔玉髓瓊漿迓述郎共看東海三清
淺蛟窟龍宮已種桑

又

身浴蘭湯又沐芳浮遊雲外入仙鄉狗獐却笑盧僊
若便駕鸞鳳訪永郎

早發榆站

曩辭高秩出秦關寄跡郵官卧峽間自是尚遐多逸
興聊將濟勝入名山棲遲擬作餘年托登覽纔成數

日閑明月白雲橋下水終朝嗚咽送人還

過百川橋

纔過上臺又下臺俯臨深壑下山來瓊峯面面如相
別紅樹重重祗獨迴萬瀑洞中頻顧望百川橋畔久
徘徊停輿跨馬忽忽去復入塵寰亦可咍

贈妙玄上人

師在青龍寺住持來洛伽拂衣碧岫月洗鉢滄溟波
流水別幽壑遊禽思舊柯我魯九峯隱對語鄉情多

塔山寺再次壁上韻

靈峯連雪岳淨域接寒溪昔過探幽境今來訪舊蹊

門臨滄海闊樓迥碧天低雪浪長風捲霜空斷鴈啼
陽侯方鼓舞素女正含睇盈視停金策凝神類木鷄
地諳猶自識僧老更相携喜拜登龍頂愁還逐馬蹄
遲回出林麓汨沒入塗泥畢竟歸棲隱何能事突梯

附戊戌年初次韻

昨日離獅島今朝訪虎溪烟霞迷古殿松檜覆幽蹊
撩慄鍾聲迥繚黃塔影依老僧迎客拜鳩婦滿林啼
借榻還忘倦憑窓試遠睇玲瓏瞻貝闕啁晰聽金鷄
此夜三山近清秋一劍携奔龍猶壓頂得免已忘蹄
舊業傳青鳥遺書襲紫泥天香飄兩袂擬欲上雲梯

此是初
本作氣
力陟隄
猶未克
牽硬

自含春到方川驛

溪水縈紆出峽來層巖面面畫屏開紛紛赤葉涼颼
動冉冉丹霞落照迴自別仙區頻悵望偶逢佳境即
徘徊尋真逸趣終無盡更駐征鑣坐碧苔

春帖字

北塞烽烟熄東溟波浪平郵傳無警急人卒樂春耕

又

今日新春節羈懷倍黯然欲尋芳草去冰雪滿山川

又

峇亭驚節換衰病又添年官靜無多事明窓閱古編

水色集卷之四

